

清孝外史精

卷三十一
正
卷三十二
弟
十
卯
精

醫學史略

卷一 醫學之起源
卷二 醫學之發達
卷三 醫學之傳播
卷四 醫學之衰落
卷五 醫學之復興
卷六 醫學之未來

清季外交史料

附索引及西巡大事記



中華民國二十一年一月

總發行 王希隱

北平迺茲府關東甸七號

版權所有 翻印必究

清季外交史料卷三十一

光緒九年正月至二月

目錄

總署奏洋藥釐稅併徵載在會議條款請飭駐英使臣與英外部商辦摺附 上諭正月十二日

新疆督辦劉錦棠奏新疆南界之貢古魯克地方宜趁劃界未定據約索還摺附 上諭二件正月十四日

北洋大臣李鴻章奏查明常勝軍舊欠美商洋行賬目籌款議結摺
正月二十二日

伊犁將軍金順奏與俄國勘分伊犁南段界務情形摺 附喀什噶爾界
約正月二十八日

滇督岑毓英等奏法越交涉法願調停請豫籌善法摺

附上諭二月初二日

桂撫倪文蔚奏遵籌法越交涉事宜摺

二月初六日

桂撫倪文蔚奏法越分界事俟派大臣來粵再行定議片

二月初六日

桂撫倪文蔚奏越藩橫征暴斂民怨甚深片

附上諭二月初六日

總署奏伊犁交涉俄人案件亟應查辦完結以免藉口摺

二月初十日

使美鄭藻如奏美國紐約地方請設領事摺

二月初十日

左庶子張佩綸奏越事趨重粵西請簡邊材摺

附上諭二月十五日

侍講學士何如璋奏越南危急請派統兵大員出關籌辦以保屬土

摺

二月十九日

中英會議上海至香港電報辦法合同

二月二十三日

伊犁將軍金順等奏勘分科界必先安插蒙哈請款撫卹摺

二月二十七日

伊犁將軍金順等奏請收回烏梁海屬之阿勒泰山一帶游牧地片

二月二十七日

中俄議定塔城俄屬商人貿易地址條約

九年二月二十七日

中俄議定管理塔城各屬纏頭商民條款

九年二月二十七日

直督張樹聲奏駐韓官軍請緩撤退以順藩情摺

附上海諭二月二十七日

粵督曾國荃等奏遵旨詳議法越交涉事宜摺

二月二十七日

清季外交史料卷三十一

黃巖弢夫王彥威輯

男希隱亮編

孫孝章敬立校

總署奏洋藥釐稅併徵載在會議條款請飭駐英使臣

與英外部商辦摺

附上諭

總理各國事務恭親王奕訢等奏爲洋藥稅釐併徵載在會議條款請旨飭下出使大臣與英外部商辦以專責成而免延宕事竊查洋藥一宗善後條約第五款載明一經離口卽屬中國貨物祇准華商運入內地外國商人不得護送如何徵稅聽憑中國辦理等因歷經各省關照

辦在案光緒二年七月間北洋大臣李鴻章與英國使臣威妥瑪在煙臺會議條款內載洋藥與他項洋貨有別英商於販運入口時由新關派人稽查封存棧房或躉船俟售賣時洋商照則完稅並令買客一併在新關輸納釐稅以免偷漏其應抽收釐金若干由各省察勘情形酌辦等語當經臣衙門屢次與威妥瑪商議按照條款辦理該使臣以各省本口抽收洋藥釐金多寡不同擬併徵以歸畫一往返辯論迄無成說臣等函商南北洋大臣祇可仍照各省本口向收釐稅之數並在新關輸納多寡概不議加離口運入內地仍照向章辦理由臣衙門照會威妥瑪該使覆稱已咨本國釐稅均照舊章先在上海試辦如辦不到卽將新開口岸退還中國臣衙門當復以中國並無收回新開口岸之

意惟此事應照條款定明開辦詎屢催罔應復經李鴻章與威妥瑪面商議於正稅之外加徵八十兩統計釐稅一百一十兩威妥瑪允加至一百兩並據照會稱仍咨本國酌議俟准回音卽行備文知照等因此歷年議辦洋藥之大略情形也左宗棠上年奏請加徵洋藥稅釐擬併加至一百五十兩原冀洋藥釐稅加多則吸食者漸少自係力圖補救之法並非專爲稅項起見經各省關議復欽奉諭旨交由臣衙門會同李鴻章妥議具奏臣等以此事仍須與英官商辦俟議有端緒卽據實奏明辦理等因先行復陳在案威妥瑪旋於去秋回國臣衙門當將先後議辦洋藥各情發遞電函知照出使大臣曾紀澤以備與英國議論旋准曾紀澤來電稱與威使談該使言署中已許百兩澤駁之署英使

若再詢稅數乞答云已諭澤等語臣等查洋藥流毒有年本應禁止惟
關繫中外大局稅則載明進口稅銀條約聲明離口卽屬中國貨物是
一時雖未能議禁而洋藥如何徵收釐稅應由中國辦理况煙臺條款
內中國所允英國各條無不一一開辦洋藥併徵釐稅乃英國允中國
之欸延擱數年迄未定議亟應設法催辦前威妥瑪在華臣等屢商此
事總以咨報本國爲詞藉作推宕地步刻下該使臣業已回國曾紀澤
來電曾有議院屢催外部無以覆之英旣上緊吾華亦當妥商一定不
易之章以便因應之語臣衙門已將應如何辦法詳晰電覆該大臣自
可就近商酌相機籌議惟未奉特派辦理旣無以專責成該國外部及
威妥瑪或又以曾紀澤無商辦此事之權故爲延緩臣等再四思維洋

藥爲五印度出產大宗英國藉充兵費歲計所入約二千萬若稅釐太重無論英國未能允行轉恐商人巧於趨避偷漏必多似以李鴻章前議一百一十兩之數併在進口時輸納辦理較有把握商議亦易就範圍擬請飭下出使英國大臣曾紀澤卽將洋藥釐稅併徵一事查照臣衙門節次電函與英外部妥爲商辦使彼無可狡展期在必成如能按照一百一十兩定議稅釐併在進口時徵收則中國稅項可免偷漏商人販運亦可免重徵應如何酌定防弊章程設立稽徵總口之處均由該大臣與英外部商定後報明臣衙門咨行南北洋大臣詳慎擬議仍由臣衙門核奪開辦至英國現有禁煙善會頗以洋藥害人爲恥該大臣如能乘機利導聯絡會紳與英外部酌議洋藥進口分年遞減專條

期於逐漸設法禁止尤屬正本清源之至計謹奏光緒九年正月十二日奉上諭總理衙門奏請飭出使大臣商辦洋藥稅釐事宜一摺洋藥稅釐併徵載在煙臺條約延擱數年迄未開辦疊經該衙門與英使威妥瑪商議總以咨報本國爲辭藉作延宕地步該使現已回國着特派曾紀澤辦理洋藥稅釐併徵事務該大臣洞達事體向能力持大局務將此事查照該衙門節次電函與英外部妥爲商辦期在必成如照李鴻章前議一百一十兩之數併在進口時輸納卽可就此定議仍着該大臣酌度情形力與辯論其應如何酌定防弊章程設立稽徵總口之處均由該大臣與英外部商定後報明該衙門咨行南北洋大臣詳議核辦洋藥流毒多年自應設法禁止英國現在禁煙善會頗以洋藥害

人爲恥該大臣如能乘機利導聯絡會紳與英外部酌議洋藥進口分
年遞減專條期於逐漸設法禁止尤屬正本清源之至計並着酌量籌
辦

新疆督辦劉錦棠奏新疆南界之貢古魯克地方宜趁

劃界未定據約索還摺

附上諭二件

督辦新疆軍務劉錦棠奏爲新疆南界之貢古魯克地方關係緊要宜
趁劃界未定據理按約索還要津以通南北而利邊防事竊新疆局勢
自準部戡定回疆全入版圖關山通道擇要安設卡倫臺站南北一氣
貫注無事則換防徵調遵率自由有事則振旅饟軍進退如意廟謨宏
遠睿慮精詳百世莫之或易也臣查伊犁通南捷徑有四一自挪喇特

卡倫經朱勒都斯察罕通格兩山以達喀喇沙爾一由穆索爾達巴罕渡特克斯河踰冰嶺以達阿克蘇之札木營一出伊克哈布哈克卡倫越貢古魯克達巴罕以達烏什一出鄂爾果珠勒卡倫踰北塔斯巴爾彈兩山渡納林河以達喀什噶爾然阿克蘇冰嶺臺路艱阻萬狀夏月冰渙四山坼裂波濤流澌峭壁森立莫能飛渡亂後臺站盡替現僅阿屬七臺經臣照舊安設餘已咨商伊犁將軍臣金順辦理尙未接准覆文其喀喇沙爾一路曠廢已屆百年其中陵谷變遷道路通塞水草有無均難懸揣疊經行查鮮據昨已函致金順請將山北情形確實查覆再議疏通其納林達道早非我有自可無庸議及獨烏什之貢古魯克一路地界八城之中爲南北相通第一要津遠在界線東南新舊條約

皇朝輿地圖誌班班可考也臣查中俄界約大率按山水分宗誠以山
峙水流古今莫易故界線所至輒指定某山之頂或水流去嚮以定經
界山陰屬俄山陽屬中水西流之處屬俄東流之處屬中天然界限朗
若列眉而經緯方隅判然兩截雖地名沿革語言文字稱謂各殊百變
不能離其宗矣謹按塔城舊約所載伊犁南界過那林哈勒噶由特穆
爾圖淖爾南邊之罕騰格爾薩瓦巴齊貢古魯克喀克北山統曰天山
之頂行至葱嶺靠浩罕界是那林迤南約載之貢古魯克明明與罕騰
格爾諸山連類而及且申言天山之頂其確指貢古魯克山頂爲言非
指烏什之貢古魯克山麓爲言義至明也臣前慮南路沿邊地界情形
在事諸臣或者難於洞悉特飭駐軍阿克蘇道員羅長祐將圖約所載

地名歧異闕略之處遵照指示詳查細譯齎由臣詳加考覈函達金順與伊犁參贊臣升泰所有查勘烏什西北之格根特克斯喀喇庫勒等處由俄通伊大小路逕遠近險易條分縷晰悉以相告本年夏間巴里坤領隊臣沙克都林札布奉旨勘分南界臣復飭羅長祜將原查情形就近詳告沙克都林札布用備採擇嗣據烏什善後局員知縣周應棻申報本年八月十三日沙克都林札布帶同俄使自阿克蘇行抵烏什由貢古魯克雅滿索各卡倫繞貢古魯克山麓至別疊里達坂共立界牌二處俄使各埋銅牌一面所過山峽卡隘城堡逐一繪圖並將烏什城垣丈量規計繞出布魯特牧場周迴游歷延展四十餘日至九月二十六日始抵烏境時幫辦軍務臣張曜已先期出卡守候日久咨報前